

Forslag til forskrift om vern av Kleppefjell og Venelinuten naturreservat i Hjartdal kommune i Telemark fylke

Fastsett ved kongeleg resolusjon med heimel i lov 19. juni 2009 nr. 100 om forvaltning av naturens mangfald (naturmangfoldloven) § 34 og § 62. Fremja av Klima- og miljødepartementet.

§ 1. Føremål

Føremålet med forskrifta er å ta vare på eit storområde som

- a) inneheld trua, sjeldan og sårbar natur med lågurt- og kalkfuruskog, kalkgranskog, og innslag av varmekjær lauvskog med sjeldne og trua artar av karplanter, sopp og lav
- b) har særskild betyding for biologisk mangfald på grunn av mykje keloelement, brannstubbar og død ved.

Det er ei målsetjing å ta vare på verneverdiane i mest mogleg urørd tilstand, og eventuelt vidareutvikle dei.

§ 2. Geografisk avgrensing

Naturreservatet omfattar følgjande gnr./bnr.: Hjartdal kommune: 61/5, 61/6, 61/11, 64/1, 65/3, 65/7, 65/8, 65/9, 68/1, 69/1, 71/1, 71/2, 72/1, 72/2.

Naturreservatet dekker eit totalareal på ca. 23140 dekar. Grensene for naturreservatet går fram av kart datert Klima- og miljødepartementet20xx. Dei nøyaktige grensene for naturreservatet skal merkast av i marka. Knekkpunktta skal koordinatfestast.

Verneforskrifta med kart blir oppbevart i Hjartdal kommune, hos Statsforvaltaren i Vestfold og Telemark, i Miljødirektoratet og i Klima- og miljødepartementet.

§ 3. Vernereglar

I naturreservatet må ingen gjere noko som skadar verneverdiane som går fram av føremålet med vernet.

I naturreservatet gjeld følgjande vernereglar:

- a. Vegetasjonen, medrekna daude buskar og tre, er verna mot skade og øydelegging. Det er forbode å fjerne planter og sopp medrekna lav eller delar av desse frå naturreservatet. Planting eller såing av tre og annan vegetasjon er forbode.
- b. Dyrelivet, medrekna reirplassar og hiområde, er verna mot skade, øydelegging og unødig forstyrring. Utsetting av dyr er forbode.
- c. Det må ikkje setjast i verk tiltak som kan endre naturmiljøet, som til dømes oppføring av bygningar, anlegg, gjerde og andre varige eller mellombelse innretningar, parkering av campingvogner, brakker e.l., opplag av båtar, framføring av luftleidningar, jordkablar, kloakkleidningar, bygging av vegar, drenering eller anna form for tørrelegging, uttak, oppfylling eller lagring av masse, utføring av kloakk eller anna form for forureining, etterlating av avfall, gjødsling, kalking eller bruk av kjemiske utryddingsmiddel. Forsøpling er forbode. Opplistinga av tiltak er ikkje uttømmende.
- d. Bruk av naturreservatet til større arrangement er forbode.
- e. Brenning av bål er forbode. Forbode gjeld ikkje bålbrenning med tørrkvist frå bakken eller medteken ved, i samsvar med gjeldande lovverk.

§ 4. Generelle unntak frå vernereglane

Vernereglane i § 3 andre ledd er ikkje til hinder for:

- a. sanking av bær og matsopp
- b. jakt, fangst og fiske i samsvar med gjeldande lovverk
- c. felling av store rovdyr i samsvar med gjeldande lovverk
- e. beiting
- d. vedlikehald av eksisterande stiar vist på vernekartet
- f. vedlikehald av eksisterande traktorvegar og stiar vist på vernekartet i samsvar med tilstanden på vernetidspunktet
- g. vedlikehald av telemast og tilhøyrande bygning slik tilstanden var på

- vernetidspunktet
- h. drift og vedlikehald, samt istandsetting ved akutt utfall eller fare for akutt utfall på eksisterande energi- og kraftanlegg i og inntil verneområdet
- i. oppgradering eller fornyelse av eksisterande kraftledning for heving av spenningsnivået og økning av linetverrsnittet når tiltaket ikkje skader verneverdiene angitt i verneformålet nevneverdig
- j. oppsetting av mellombelse, mobile jakttårn for storviltjakt
- k. utsetjing av saltsteinar
- l. forsiktig rydding av småbuskar og kvist i siktelinjer ved faste jaktpostar i samband med storviltjakt

§ 5. Regulering av ferdsel

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a. Motorisert ferdsel på land og i vatn er forbode, medrekna landing og start med luftfartøy.
- b. Sykling, riding og bruk av hest er forbode utanom eksisterande traktorveggar og stiar avmerka på vernekartet.

§ 6. Generelle unntak frå reglane om ferdsel

Ferdselsreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsverksemd, og gjennomføring av skjøtsels- og forvaltningsoppgåver som er fastsett av forvaltningsstyresmakta. Unntaket gjeld ikkje øvingsverksemd.

- Ferdselsreglane i § 5 andre ledd er ikkje til hinder for
- a. naudsynt motorferdsel i samband med uttransport av sjuke og skadde bufe. Køyretøy skal vere skånsame mot markoverflata. Det skal gjevast melding til ansvarleg oppsyn for verneområdet i forkant av køyring
- b. naudsynt uttransport av felt elg og hjort med lett belteköyretøy som ikkje set varige spor i terrenget, og med traktor og ATV på traktorveggar avmerka på vernekartet
- c. landing og start med Forsvaret sine luftfartøy
- d. naudsynt motorferdsel i samband med akutt utfall eller fare for akutt utfall på eksisterande energi- og kraftanlegg. Ved bruk av motorisert transport skal det i etterkant sendast melding til forvaltningsstyresmakta

§ 7. Spesifiserte dispensasjonsreglar

Forvaltningsstyresmakta kan etter søknad gje dispensasjon til:

- a. istandsetting, vedlikehald og skjøtsel av kulturminne
- b. tiltak i samband med forvaltning av vilt og fisk
- c. naudsynt uttransport av felt storvilt med andre kjøretøy enn lett belteköyretøy som nemnd i § 6 annet ledd bokstav b
- d. oppsetting og vedlikehald av gjerder
- e. hogst av etablerte plantefelt
- f. avgrensa bruk av naturreservatet for aktivitetar som nemnt i § 3 bokstav d
- g. øvingsköyring for føremål nemnt i § 6 første ledd
- h. naudsynt motorferdsel for transport av ved, materiale og utstyr til eksisterande hytter
- i. naudsynt motorferdsel i samband med aktivitetar etter § 4 bokstav f, g, h, i og k og § 7 bokstav a, b, d, og e
- j. naudsynt motorferdsel i samband med drift og vedlikehald, samt oppgradering og fornying av eksisterande kraftledning

§ 8. Generelle dispensasjonsreglar

Forvaltningsstyresmakta kan gjere unntak frå forskrifta dersom det ikkje strid mot formålet med vernet og ikkje kan påverke verneverdiane nemneverdig, eller dersom omsyn til tryggleik eller omsynet til vesentlege samfunnsinteresser gjer det naudsynt, jf. naturmangfoldloven § 48.

§ 9. *Skjøtsel*

Forvaltingsstyresmakta, eller den forvaltingsstyresmakta bestemmer, kan setje i verk tiltak for å oppretthalde eller oppnå den natur- eller kulturtilstanden som er formålet med vernet, jf. naturmangfoldloven § 47.

§ 10. *Forvaltingsplan*

Det kan utarbeidast forvaltingsplan med nærare retningslinjer for forvaltning av naturreservatet. Forvaltingsplanen kan innehalde nærare retningslinjer for gjennomføring av skjøtsel.

§ 11. *Forvaltingsstyresmakt*

Miljødirektoratet fastset kven som er forvaltningsstyresmakt etter denne forskrifta. Miljødirektoratet kan delegere styresmakta til kommunar som samtykker til det.

§ 12. *Iverksetjing*

Denne forskrifta trer i kraft straks. Samtidig blir FOR-2018-12-07-1833 Forskrift om vern av Kleppefjell naturreservat, Hjartdal kommune, Telemark oppheva.